


OTA: Escritor



Roland Peterson y su casa.



Roland Peterson

Un persona ehemplar: di polis pa escritor di buki pa mucha

Contami un tiki di bo carera den cuerpo policial.

Riba 1 mei 1962 mi a join e korps-politie na Curaçao Mi a traha 10 aña na Curaçao y eyan mi a cera conoci cu mi señora. Na aña 1972 mi a bolbe bek Aruba y bai traha pa Cuerpo Policial. Na aña 1975 mi a bai Hulanda pa sigui un opleiding pa Inspecteur. Ora mi a gradua na aña 1979 mi a cuminsa traha como Inspecteur, prome na Curaçao y despues na Aruba. Riba 1 di januari 1986, ora Aruba a haya su Status Aparte, mi a wordo apunta como e prome Comisario di Polis pa e pais Aruba.

Mi a compronde cu bo tabata miembro di e Comité Ejecutivo di Interpol tambe?

Si. Na 1990 mi a wordo eligi pa e posicion aki durante e Asamblea General na Canada. Pa 3 aña mi a representa e continente Americano y e region di Caribe. E Comité Ejecutivo ta un organo cu ta coor-

dina tur locual tin di haber cu e combatimento di tur tipo di crimen na nivel internacional. Na aña 1993 mi a haya e oportunidad di organisa e Asamblea General di Interpol di mas extensivo, cu a wordo teni na Aruba, caminda 660 delegado procedente di 167 diferente pais a atende. El a bai asina bon cu te ainda nan ta papiando di dje.

Roland a wordo condecora dos biaha dor di Reina Beatrix?

Na promer instante mi a wordo condecora como Ridder in de Orde van Oranje Nassau na april 1989 den mi funcion di comisario, como tambe pa mi contribucion na varios instancia caricativo riba nos isla. Semper mi tabata involvi cu instancianan caricativo, manera p.e. Centro di Bario Lago Heights y Y.M.C.A. Na april 1997 mi a wordo promovi pa Officier in de Orde van Oranje Nassau.

Awo cu bo a bai cu pensioen kico ta haci den bo tempo liber?

Semper mi a gusta piscamento, coremento di cabay y canamento den naturalesa. Tambe mi ta gusta skirbi storia pa mucha, mi tin dos nieta cu ta inspira mi. Te awo aki mi a publica 3 buki di mucha skirbi na Papiamentu: "Nos Fabula", "Priki Priki y Prinses" y "Tres storia Rubiano".

E ta importante pa siña nos muchanan lesa for di chikito. Ora bo lesa un buki henter un mundo ta habri p'abo. Mi ta bezig riba mi siguiente buki, pero e financiamiento di e imprenta di un buki ta costoso. Mi ta buscando sponsors cu ta willing pa cubri algun di e gastonan. Mi tin di bisa acerca cu e ganashi di e benta di mi bukinan semper mi ta dedica na un instancia caricativo.



Un Dia den Bida

cu Poentje Castro

Diahuebs pa 9:00 anochi Repiticion Diadomingo pa 5'or atardi.

Cel.: 592 2362 E-mail: undiadenbida@setarnet.aw

